

重修安化縣志卷之十七

流寓

自古名公學士遷客騷人遊觀山水怡然自得偶爾  
托足之地即因人以傳者越百世後猶有昭垂典冊  
而不泯其芳跡人亦即因地以傳也舊志未列此條  
今不容以不補志流寓

善卷堯時人寓二都上游插鶴殿二都之水名善溪  
蓋以善卷而得名也

宋張南軒嘗往來遊息於歸化鄉有亭有詩已詳載矣

蓉山內

安化縣志

卷之十七

流寓

李安國洪都人一統志通志載悅安化山水靈奇卜  
築伊溪側隱居讀書自號梅山老人

仙釋

交梨火棗近於誕優鉢青蓮近於虛以為虛誕而志  
之則亦志其為虛誕而已雖然天地之大何所不有  
吾於仙釋亦云志仙釋

宋汪真人煉藥神山有詩云帶月入尋紅芍藥和雲仙  
煑紫河車

元于公五都人至正間修煉蜀中得道回尸解鄉人以  
衣冠奉其肉骸祀之所禱有應至今尚存

宋道楷禪師政和年間卓錫芙蓉三詔不起錫紫袈裟  
賜定照國禪師之號不受上怒諭天使以威臨之有  
司保云此老病不可以刑楷曰無病竟受笞有司退  
謂曰何自苦乃爾楷曰無病而說有病是欺君也欺  
心也其至性不回若此今塔址猶存

明僧圓鑑成都人有戒行善醫宣宗時用藥効勅賜遊  
名山至邑黃梅募李福地創寺成坐靜室自問曰和  
尚是那裏自荅曰是奉勅和尚設以是稽凡隨呼衆  
僧取勅拜焚之未幾而化年八十餘嘗題萍草詩云  
有苗有葉依流浪無蒂無根水上青取看常無些子

安化縣志

卷之十七

仙釋

二

用恩波孤負可憐僧

陳萬法號無心居士得煉生之術肉身正坐如生鄉  
人祀之正德燬于火僅存一丸心至今用錦囊盛貯  
懸掛胸前

姚宗歸化人有道術每祈禱輒應

劉鏗法名普魁修道東禹山延年九十三一日謂徒  
曰大水將至遷檢具於高崗已而水暴至

遊逸僧嘗題詩於石城橋觀音閣壁云手把青苗插  
野田低頭便見水中天六根清淨方成稻退步分明  
是向前又云麤布縫衣禦雪冬一針一線要從容如

今世路多荆棘休得禰襦大樣縫後不知其所終  
問石老人於崇禎壬午居辰山挂錫開堂曾有深入  
白雲根之識至是宗風大振始信夙緣示寂後立塔  
本山熊魚山龍三三諸大老爲之銘中丞郭些菴邑  
侯黨弗菴皆護其法

張公有才歸化人相傳宋初代完合邑丁餉三載人  
稱爲有才義士與妻林氏潛身三口行善修煉坐化  
墓廟右張公冲塚跡猶存其地青龍蔭佑足踏蓮花  
獅象關山口通金井後遇仙風吹開墳墓林氏飛身  
于新邑唯公近落三口街托夢里人立廟祀之至今

安化縣志

卷之十七

仙釋

三

威靈丕振

古梅名冽邵陽人初爲諸生出家得法於慧山法語  
詩文皆有妙諦住瀉山數十年後演法於紫竹林參  
學者雲集重修芙蓉廣化寺及治東啟寧寺詳碑記  
舊志止此以下新增

釋囂囂國初人不知何來喜二都太陽山清幽居之  
博學能醫都人士皆樂與交後去莫識所終鄉有請  
乩者降乩云上兩口下兩口曾與先君有舊好不解  
又云人知之是我人不知是我

譚法靈字均濟二都人喜施家窘而哀多益寡之志

不改有道術尸解時聞空中有呼之去者鄉人祀之  
祈禱輒應

五公一都長樂人年十五得道術嘗與童輩牧牛至  
洞口入其中戒諸童曰予脫屣洞外倘經屣躍切勿  
嬉笑諸童見躍笑之洞門卽閉公陷中弗得出其母  
哀之日送飯旋托夢告母曰以後不須飯餐遂爲神  
至今長樂建廟奉祀禱雨療疾皆靈驗鄉里多塑像  
祀之

補遺

黃遇清字寧江庠生生長安邑籍隸新化秉性剛明  
博學多識甘淡泊守貧賤以聖賢自期許敦行孝弟  
善友鄉國如所著格物一端及辯儒釋兩家編輯尙  
貽手錄奈四十二歲沒於祖居子弟哀號治喪營葬  
捐貲置產至今十月十八每歲墓祭如初